



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 422
fax. +387 33 726 414
e-mail: info@voda.ba

Broj: **UP-1/21-3-40-599-14/23**
Datum: **25.06.2024. god**

„Agencija za vodno područje rijeke Save“ Sarajevo rješavajući po zahtjevu pravnog lica KJKP „Rad“ d.o.o. Sarajevo za izdavanje vodne dozvole za ispuštanje tehnoloških otpadnih voda i za aktivnosti koje mogu privremeno ili trajno degradirati kvalitet voda, ili ometati poboljšanje njihovog postojećeg kvaliteta prilikom izvođenja radova na prostoru deponije „Smiljevići“ Sarajevo, na osnovu člana 109. stav (1) tačka 11. i stav (2) tačka 1. Zakona o vodama („Sl. novine Federacije BiH“, br. 70/06) i člana 200. stav (1) Zakona o upravnom postupku („Sl. novine Federacije BiH“, broj 2/98, 49/99 i 61/22), donosi

RJEŠENJE **o vodnoj dozvoli**

1. Pravnom licu KJKP „Rad“ d.o.o. Sarajevo daje se vodna dozvola za ispuštanje tehnoloških otpadnih voda i za aktivnosti koje mogu privremeno ili trajno degradirati kvalitet voda, ili ometati poboljšanje njihovog postojećeg kvaliteta prilikom izvođenja radova na prostoru deponije „Smiljevići“ Sarajevo.
2. Ova vodna dozvola ne oslobađa podnosioca zahtjeva obaveze pribavljanja vodne dozvole za korištenje vode i ispuštanje sanitarnih otpadnih voda, a za čije izdavanje je nadležno Ministarstvo privrede Kantona Sarajevo, u skladu sa članom 139. stav (2) Zakona o vodama.
3. Rješenje o vodnoj dozvoli je doneseno na osnovu pregleda dokumentacije kojom raspolaže podnosilac zahtjeva, izvršenog uviđaja na lokaciji objekta, detaljnog dinamičkog plana ulaganja urađenog od strane pravnog lica (broj: 01-01-082952/24 od 29.05.2024. godine) i pod slijedećim uslovima:
 - 3.1. Da korisnik predmetnog poslovnog kompleksa objekata iste održava u funkcionalnom stanju i koristi u skladu sa njegovom prirodom i namjenom, te u skladu sa uslovima iz ove vodne dozvole.
 - 3.2. Da se u periodu važenja ove vodne dozvole, a u skladu sa detaljnim dinamičkim planom ulaganja, a u skladu sa članom 26. stav (3) Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“, broj: 26/20, 96/20 i 1/24) realizuju aktivnosti na vanjskom uređenju:
 - 3.2.1. Korekcije Elaborata o iskolčenju po „Glavnom projektu za prikupljanje i prihvatanje procjednih voda ispod centralnog dijela odlagališta“, ES Hydrotechnics, decembar 2019. godine. Aktivnost će biti realizovana do kraja 2024. godine. Nosilac realizacije aktivnosti je Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo i Zavod za izgradnju Kantona Sarajevo.
 - 3.2.2. Izgradnja cjevovoda za prikupljanje i prihvatanje procjednih voda sa centralnog dijela odlagališta u postojeći drenažni sistem sa testiranjem tog dijela sistema radi utvrđivanja da čiste vode ne idu u sistem drenaže. Realizacija će se odvijati po „Glavnom projektu za prikupljanje i prihvatanje procjednih voda ispod centralnog dijela odlagališta“, ES Hydrotechnics, decembar 2019. godine, Revident: „IG“ Banja Luka“. Aktivnost će biti realizovana do kraja 2024. godine. Nosilac realizacije aktivnosti je Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo, Zavod za izgradnju Kantona Sarajevo, KJKP „Rad“ Sarajevo.
 - 3.2.3. Izrada Elaborata za sanaciju sistema i razdvajanje čistih od procjednih voda sa prijedlogom mjera sanacije drenažnog sistema radi razdvajanja čistih od procjednih voda prema projektnom zadatku: „Program radova i realizaciju radova, sa izradom elaborata, sa rezultatima, zaključcima i detaljnim prijedlogom mjera za sanaciju sistema i razdvajanje čistih od procjednih voda“. Aktivnost će biti realizovana do kraja 2024. godine. Nosilac realizacije aktivnosti je Ministarstvo komunalne privrede, infrastrukture, prostornog

- uređenja, građenja i zaštite okoliša Kantona Sarajevo, Zavod za izgradnju Kantona Sarajevo, KJKP „Rad“ Sarajevo.
- 3.2.4. Izrada Glavnog projekta za sanaciju drenažnog sistema prema projektnom zadatku iz tačke 3. Aktivnost će biti realizovana do kraja 2024. godine. Nosilac realizacije aktivnosti je Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo, Zavod za izgradnju Kantona Sarajevo, KJKP „Rad“ Sarajevo.
- 3.2.5. Revizija Glavnog projekta za sanaciju drenažnog sistema iz tačke 3.2.4. Aktivnost će biti realizovana do kraja 2024. godine. Nosilac realizacije aktivnosti je Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo, Zavod za izgradnju Kantona Sarajevo.
- 3.2.6. Revizija Glavnog projekta za prekrivanje i zatvaranje ploha deponije "Smiljevići". Aktivnost će biti realizovana do kraja 2024. godine. Nosilac realizacije aktivnosti je Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo, Zavod za izgradnju Kantona Sarajevo.
- 3.2.7. Dopuna i korekcija sa novelacijom tehničkih rješenja Elaborata o izmjeni sistema automatskog upravljanja na postrojenju za tretman procjednih voda deponije Smiljevići, i Elaborata o potrebnim mjerama i radovima na omogućavanju privremenog puštanja u funkciju postojećih objekata i opreme na postrojenju za tretman procjednih voda deponije Smiljevići, (ES Hydrotechnics, dec. 2017. god.). Aktivnost će biti realizovana do kraja 2024. godine. Nosilac realizacije aktivnosti je Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo, Zavod za izgradnju Kantona Sarajevo i Komisija za praćenje sanacije i izgradnje deponije Smiljevići.
- 3.2.8. Izrada projektnog zadatka sa predmjerom za sanaciju oštećenog Dolarevog kanala na deponiji Smiljevići. Aktivnost će biti realizovana do kraja 2024. godine. Nosilac realizacije aktivnosti je Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo, Zavod za izgradnju Kantona Sarajevo.
- 3.2.9. Izrada Studije za predtretman procjednih voda. Aktivnost će biti realizovana do kraja 2024. godine. Nosilac realizacije aktivnosti je Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo i Zavod za izgradnju Kantona Sarajevo.
- 3.2.10. Dorada i revizija projekta: „Glavni projekat postojećeg stanja prikupljanja i prerade komunalnih i tehnoloških otpadnih voda objekata u sklopu RCUO Smiljevići/ Sarajevo sa prijedlogom konačnog rješenja odvođenja u glavni kolektor otpadnih voda naselja Smiljevići / PPOV Butile“ – odnosno projektne dokumentacije za odvodnju tehnoloških otpadnih voda sa manipulativnih površina sa objekata na deponiji Smiljevići. Aktivnost će biti realizovana do kraja 2024. godine. Nosilac realizacije aktivnosti je Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo i KJKP „Rad“ Sarajevo.
- 3.2.11. Izvođenje radova na sanaciji drenažnog sistema. Aktivnost će biti realizovana do kraja mjeseca septembra 2025. godine. Nosilac realizacije aktivnosti je Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo i KJKP „Rad“ Sarajevo.
- 3.2.12. Izvođenje radova u skladu sa Glavnim projektom za prekrivanje i zatvaranje ploha deponije "Smiljevići" (11,7 ha). Aktivnost će biti realizovana do kraja mjeseca decembra 2025. godine. Nosilac realizacije aktivnosti je Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo, KJKP „Rad“ Sarajevo i Zavod za izgradnju Kantona Sarajevo.
- 3.2.13. Izvođenje radova na postrojenju za tretman procjednih voda prema dopunjenom Elaboratu o izmjeni sistema automatskog upravljanja na postrojenju za tretman procjednih voda deponije Smiljevići, ES Hydrotechnics, decembra 2017. godine i prema Elaboratu o potrebnim mjerama i radovima na omogućavanju privremenog puštanja u funkciju postojećih objekata i opreme na postrojenju za tretman procjednih voda deponije Smiljevići, ES Hydrotechnics, decembra 2017. godine. Aktivnost će biti realizovana do kraja mjeseca decembra 2025. godine. Nosilac realizacije aktivnosti je Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo i KJKP „Rad“ Sarajevo.

- 3.2.14. Sanacija oštećenog Dolarevog kanala na deponiji Smiljevići. Aktivnost će biti realizovana do kraja mjeseca decembra 2025. godine. Nosilac realizacije aktivnosti je Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo, KJKP „Rad“ Sarajevo i Zavod za izgradnju Kantona Sarajevo.
- 3.2.15. Izrada Idejnog i glavnog projekta za predtretman/tretman procjednih voda. Aktivnost će biti realizovana do kraja mjeseca juna 2025. godine. Nosilac realizacije aktivnosti je Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo i KJKP „Rad“ Sarajevo.
- 3.2.16. Izvođenje radova i puštanje u pogon predtretmana/tretmana za prečišćavanje procjednih voda (I faza). Aktivnost će biti realizovana do kraja mjeseca juna 2026. godine. Nosilac realizacije aktivnosti je Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo, KJKP „Rad“ Sarajevo i Zavod za izgradnju Kantona Sarajevo.
- 3.2.17. Izvođenje radova na odvodnji tehnoloških otpadnih voda sa manipulativnih površina sa objekata na deponiji Smiljevići (izgradnja separatora u okviru objekta sortirnica/nadstrešnica sortirnog materijala te ostalih potrebnih objekata u skladu sa Projektom). Aktivnost će biti realizovana do kraja mjeseca oktobra 2025. godine. Nosilac realizacije aktivnosti je Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo, KJKP „Rad“ Sarajevo i Zavod za izgradnju Kantona Sarajevo.
- 3.2.18. Izvođenje radova u skladu sa Glavnim projektom za prekrivanje i zatvaranje ploha deponije "Smiljevići" (7 ha). Aktivnost će biti realizovana do kraja mjeseca juna 2026. godine. Nosilac realizacije aktivnosti je Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo, KJKP „Rad“ Sarajevo i Zavod za izgradnju Kantona Sarajevo.
- 3.2.19. Izvođenje radova i puštanje u pogon predtretmana/tretmana za prečišćavanje procjednih voda (II faza). Aktivnost će biti realizovana do kraja mjeseca juna 2026. godine. Nosilac realizacije aktivnosti je Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo, KJKP „Rad“ Sarajevo i Zavod za izgradnju Kantona Sarajevo.
- 3.2.20. Da se realizuje izrada glavnog projekta sadržaja i objekata na deponiji Smiljevići-hidro faza tj., realizacija izrade projektne dokumentacije postojećeg stanja vanjskog uređenja prostora (uključujući postojeće i planirane sadržaje i postrojenja) sa mjerama za sprečavanje negativnih uticaja predmetnog pogona na režim voda i režima voda na predmetnu lokaciju. Aktivnost će biti realizovana do kraja mjeseca juna 2026. godine. Nosilac realizacije aktivnosti je KJKP „Rad“ d.o.o. Sarajevo.
- 3.2.21. Da se kao kontinuirana aktivnost (svake naredne godine) na terenu realizuje pražnjenje i čišćenje separatora ulja i masti, septičkih jama, bazena sa vodom za recirkulaciono pranje podvožja vozila sa prostora autopraonice, nabavka hemikalija i dr. Nosilac realizacije aktivnosti je KJKP „Rad“ d.o.o. Sarajevo.
- 3.2.22. Da se u narednom periodu u kabinetu i na terenu započnu i okončaju sve planirane aktivnosti u skladu sa dinamičkim planom (tačke 1- 21) na prostoru deponije „Smiljevići“ Sarajevo. Nakon izrade ili dorade postojeće projektne dokumentacije, realizacija radova na terenu će se ogledati u: prethodnim radovima (pripremne radnje, raskopavanje, raščišćavanje površina itd.), zemljanim radovima (iskopi zemlje, planiranje rova, postavljanja tampona itd.), betonskim radovima (izrada betonskih ugradbenih objekata, revizionih okana itd.), montažnim radovima (montaža do funkcionalne uspostave odvodnje i tretmana uz ispitivanje ispravnosti novo-uspostavljenog kanalizacionog i drenažnog sistema sa postrojenjima-prečišćaćima i obavljanje tehničkog prijema izgrađenih objekata i sadržaja). Projektovane aktivnosti će na terenu biti realizovane do kraja mjeseca juna 2026. godine.
- 3.2.23. Da se sagledaju svi mogući neželjeni uticaji voda kako na prostor deponije „Smiljevići“ Sarajevo tako i objekata u sklopu deponije na druge objekte i postrojenja, stečena prava korisnika, postojeću infrastrukturu, Lepenički potok, te na terenu preduzmu mjere za uklanjanje istih.

- 3.3. Korisnik objekta dužan je da odgovorno vodi proces reciklaže, sortiranja, baliranja i deponovanja otpada, kako bi se smanjila količina otpada na deponiji i u konačnici smanjio ukupni teret zagađenja tehnoloških otpadnih voda.
- 3.4. Ne dozvoljava se odlaganje posebnih vrsta otpada koji ne spadaju u kategorije koje se mogu zbrinuti u sklopu deponije Smiljevići, Sarajevo.
- 3.5. Da se objekti čija je svrha odvođenje i prečišćavanje onečišćenih voda (separatori ulja i masti, betonski taložnici, betonski i zemljani kanali i slivnici, kanalizaciona mreža, drenažni sistemi, postrojenja za predtretman procjednih voda iz tijela deponije, objekti uređaja za tretman procjednih voda-staro postrojenje za predtretman procjednih voda i dr.) redovno održavaju i koriste na način koji će obezbijediti njihovu potpunu ispravnost i funkcionalnost. Čišćenje i održavanje postrojenja za tretman otpadnih voda može vršiti isključivo firma ovlaštena za tu vrstu djelatnosti.
- 3.6. O načinu i vremenu izvođenja radova na održavanju, odnosno o pražnjenju i zbrinjavanju sadržaja postrojenja za tretman otpada neophodno je voditi službenu evidenciju.
- 3.7. Da korisnik obavezno praktikuje suho čišćenje radnih i manipulativnih površina prije pranja vodom, da bi se uklonile nečistoće, trošilo manje vode za pranje i time smanjilo zagađenje u otpadnim vodama.
- 3.8. Osigurati priručna sredstva za brzu intervenciju u slučaju nekontrolisanog istjecanja masti, ulja i drugih komponenti kako bi se spriječilo moguće onečišćenje voda i tla (piljevina, prikladni apsorbenzi, odgovarajuće posude, uređaji za pretakanje i sl.).
- 3.9. Da se redovno vrši skupljanje čvrstog opasnog i neopasnog otpada na lokaciji, te isti propisno skladišti do njegovog konačnog zbrinjavanja od strane ovlaštene organizacije. Isti se ne smije ni privremeno odlagati na česticu „vodno dobro“, odnosno u vodotoke i na njegove obale.
- 3.10. Korisnik treba obezbijediti da prečišćene otpadne vode prije ispuštanja u površinsku vodu moraju da zadovolje granične vrijednosti emisije iz Tabele 1.1. Priloga 1. Uredbe o uslovima ispuštanja otpadnih voda u okoliš i sisteme javne kanalizacije („Sl. novine Federacije BiH“, broj: 26/20, 96/20 i 1/24).
- 3.11. Da se redovno vrši monitoring prečišćene otpadne vode iz okna za monitoring shodno članu 19. i 20. Uredbe o uslovima ispuštanja otpadnih voda u okoliš i sisteme javne kanalizacije, te pojedinačne i zbirne godišnje izvještaje dostave Agenciji u skladu sa članom 23. iste Uredbe.
- 3.12. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaju i načinu davanja ovlasti („Službene novine Federacije BiH“, broj 14/10, 14/13 i 26/14).
- 3.13. Ukoliko Vlada kantona Sarajevo propiše dodatne (strožije) uvjete za ispuštanje otpadnih voda u površinske vode, od uvjeta definisanih u tabeli 1.1. Priloga 1. Uredbe o uslovima ispuštanja otpadnih voda u okoliš i sisteme javne kanalizacije, podnosilac zahtjeva je u obavezi iste ispoštovati.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
6. Vlasnik, odnosno korisnik objekta nema pravo na naknadu eventualnih šteta prouzrokovanih plavljenjem i iste padaju na njegov teret u skladu sa članom 149. Zakona o vodama („Službene novine Federacije BiH“, broj 70/06).
7. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.

8. U periodu važenja ove dozvole, pravno lice je dužno provoditi sve mjere i aktivnosti propisane istom.
9. Prije isteka važnosti ove dozvole korisnik je dužan da podnese zahtjev za izdavanje nove vodne dozvole.
10. U skladu sa članom 26.a Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20, 96/20 i 1/24) nosilac prava iz ove vodne dozvole dužan je izvještavati nadležnu Agenciju i Federalno ministarstvo okoliša i turizma o realizaciji planiranih aktivnosti u zadatim rokovima iz detaljnog dinamičkog plana, prvi put najkasnije do 31.12.2024. godine a drugi put najkasnije do 30.06.2025. godine na obrascu iz Priloga B. navedene Uredbe.
11. Ova vodna dozvola, u skladu sa članom 26. stav (1) Uredbe o uslovima ispuštanja otpadnih voda u okoliš i sisteme javne kanalizacije daje se sa rokom važenja do 30.06.2026. godine, uz uslov da se aktivnosti obuhvaćene tačkama 3.2.1. do 3.2.22. dispozitiva rješenja u cijelosti poštuju.
12. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Pravno lice KJKP „Rad“ d.o.o. Sarajevo obratio se ovoj Agenciji aktom broj: 01-01-13-25046/23 koji je zaprimljen na protokolu Agencije 20.12.2023. godine sa zahtjevom za izdavanje vodne dozvole za ispuštanje tehnoloških otpadnih voda i za aktivnosti koje mogu privremeno ili trajno degradirati kvalitet voda, ili ometati poboljšanje njihovog postojećeg kvaliteta prilikom izvođenja radova na prostoru deponije „Smiljevići“ Sarajevo.

U provedenom postupku, uz zahtjev za izdavanje vodne dozvole dostavljena je i pregledana slijedeća dokumentacija:

- Rješenje o izmjenama podataka, broj:065-0-Reg-23-004301 od 23.10.2023. godine izdato od strane Općinskog suda u Sarajevu – ovjerena kopija,
- Uvjerenje o registraciji u Jedinствени регистар обвезника индиректних пореза, broj:04/1-17-1-UPJR/1-8113-2/22 od 23.11.2022. godine izdato od strane Uprave za indirektno-neizravno oporezivanje – kopija,
- Uvjerenje o poreznoj registraciji od 06.06.2006. godine izdato od strane Kantonalnog poreznog ureda Sarajevo – kopija,
- Punomoć podnosioca zahtjeva, broj:01-01-08-3377/24 od 21.06.2024. godine,
- Opći akt o održavanju, korištenju i osmatranju vodnog objekta u slučaju kvara ili havarije u R.J. „Deponija“, urađen od strane KJKP „Rad“ d.o.o. Sarajevo, april 2022. godine,
- Operativni plan u slučaju akcidenata na vodama i obalnom vodnom zemljištu urađen od strane TQM d.o.o. Lukavac, januar 2023. godine,
- Rješenje o okolinskoj dozvoli, broj: UP-I 05/2-23-5-17/18 od 25.03.2020. godine izdato od strane Federalnog ministarstva okoliša i turizma – kopija,
- Izjašnjenje o realizaciji, broj: 02/08-19-24657/23 od 15.11.2023. godine, mjere definisane Rješenjem o vodnoj dozvoli, broj: UP-I/25-3-40-697-28/18 od 19.12.2019. godine – kopija,
- Izjašnjenje o realizaciji tačaka definisanih Rješenjem o vodnoj dozvoli, broj: 05-21-453129/23 od 24.11.2023. godine izdato od strane Ministarstva komunalne privrede, infrastrukture, prostornog uređenja, građenja i zaštite okoliša Kantona Sarajevo – kopija,
- Godišnji program aktivnosti na sanaciji i izgradnji regionalnog centra za upravljanje otpadom „Smiljevići“ za 2023./2024. godinu urađen od strane Ministarstva komunalne privrede, infrastrukture, prostornog uređenja, građenja i zaštite okoliša Kantona Sarajevo – kopija,
- Rješenje o odobrenju za građenje za sanaciju i rekonstrukciju postojećeg objekta deponije Smiljevići, broj:UP-I/02/2-23-7-107/03 od 14.02.2005. godine izdato od strane Federalnog ministarstva prostornog uređenja o okolice – kopija,
- Rješenje o izdavanju dozvole za upravljanje otpadom, broj:05-23-6339/19IIIMG od 12.06.2020. godine izdato od strane Ministarstva prostornog uređenja, građenja i zaštite okoliša – kopija,
- Izvještaj o monitoringu kvaliteta i kvantiteta otpadnih voda urađen od strane TQM d.o.o. Lukavac, broj:7-522-5614/23, septembar 2023. godine,
- Rješenje o vodnoj dozvoli, broj: UP-I/25-3-40-697-28/18 od 19.12.2019. godine izdato od strane Agencije za vodno područje rijeke Save, Sarajevo – kopija,

- Zaključak, broj:02-04-6110-37/24 od 29.02.2024. godine izdat od strane Kantona Sarajevo-Vlada - kopija,
- Detaljni dinamički plan po godinama sa aktivnostima, finansijskom procjenom i rokovima za izgradnju i puštanju u rad sistema za prikupljanje, tretman i ispuštanje tehnoloških otpadnih voda, a najkasnije do 30.06.2026. godine, broj: 01-01-082952/24 od 29.05.2024. godine,
- Dokaz o uplaćenju federalnoj upravnoj pristojbi na zahtjev.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 12. stav 5. i 6. Pravilnika o sadržaju, obliku, uvjetima i načinu izdavanja i čuvanja vodnih akata („Službene novine Federacije BiH” broj: 31/15, 55/19, 41/20, 63/22), izvršen je uviđaj na prostoru deponije „Smiljevići” i tom prilikom sačinjen Zapisnik o izvršenom uviđaju broj: UP-1/21-3-40-599-13/24 od 21.06.2024. godine.

Na osnovu dostavljene dokumentacije, izvršenog uviđaja na licu mjesta, dostavljenog detaljnog dinamičkog plana ulaganja, utvrđeno je sljedeće:

Na licu mjesta konstatovano je sljedeće:

➤ U skladu sa zahtjevima iz Rješenja o vodnoj dozvoli izdatoj od strane ove Agencije pravno lice je u skladu sa detaljnim dinamičkim planom ulaganja, a u skladu sa članom 13. stav (6), (7) (8) i (9) Uredbe o uslovima ispuštanja otpadnih voda u okoliš i sisteme javne kanalizacije na terenu trebalo da realizuje aktivnosti na vanjskom uređenju prikupljanja, tretmana i ispuštanja tehnoloških otpadnih voda (filtrata iz tijela deponije) i oborinskih onečišćenih voda sa prostora deponije otpada „Smiljevići” Sarajevo.

➤ Pravno lice nije postupilo po svim zahtjevima iz prethodno izdatog rješenja o vodnoj dozvoli, isključujući redovne, kontinuirane aktivnosti. Nije izvršena dorada, dopuna projekata niti njihova realizacija na terenu, osim izgradnje nove plohe za odlaganje otpada, prikupljanje postojećih izvora (ispod trafo stanice i njihova dispozicija do potoka).

➤ U skladu sa odredbama Uredbe o ispuštanju otpadnih voda u okoliš i sisteme javne kanalizacije pravno lice je dostavilo novi detaljni dinamički plan po godinama sa aktivnostima, finansijskom procjenom i rokovima za izgradnju i puštanju u rad sistema za prikupljanje, tretman i ispuštanje tehnoloških otpadnih voda, a najkasnije do 30.06.2026. godine, broj:01-01-082952/24 od 29.05.2024. godine.

➤ Uvidom u stanje na terenu, uslove pod kojima je izdato prethodno rješenje o vodnoj dozvoli, dostavljeni detaljni dinamički plan možemo konstatovati da sem tekućih aktivnosti nisu vršena ulaganja u cilju smanjenja onečišćenja voda koje produkuje deponija te da ovaj aktuelni detaljni dinamički plan predstavlja ponovno manje-više aktiviranje stavki koje su bile uslovljene rješenjem o vodnoj dozvoli iz 2019. godine.

Na osnovu dostavljene dokumentacije i utvrđenog činjeničnog stanja, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodnom dozvolom propisani uslovi u skladu sa odredbama člana 116. Zakona o vodama i članova 12. i 13. Pravilnika o sadržaju, obliku, uslovima, načinu izdavanja i čuvanja vodnih akata i Uredbe o uslovima ispuštanja otpadnih voda u okoliš i sisteme javne kanalizacije.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH”, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH”, broj 46/07, 10/14 i 03/16).

Na osnovu provedenog postupka konstatuje se da je podnosilac zahtjeva KJKP „Rad” d.o.o. Sarajevo ispunio minimum uslova za izdavanje rješenja o vodnoj dozvoli za ispuštanje tehnoloških otpadnih voda i za aktivnosti koje mogu privremeno ili trajno degradirati kvalitet voda, ili ometati poboljšanje njihovog postojećeg kvaliteta prilikom izvođenja radova na prostoru deponije „Smiljevići” Sarajevo, te je riješeno kao u dispozitivu ovog Rješenja.


Podnosilac zahtjeva je uplatio upravnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi („Službene novine Federacije BiH”, broj 06/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.
Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Voditelj postupka:

mr Selma Merdan, dipl.inž.geol.

Po ovlaštenju
Rukovodilac sektora za izdavanje vodnih akata

Haris Ališehović, dipl. inž. građ.


Dostaviti:

- KJKP „RAD“ d.o.o Sarajevo
Paromlinska 57, 71000 Sarajevo,
- AVP Sava, ISV-vodna knjiga,
- Org.jed. 40 – arhiva,
- Org.jed. 50 – ovdje,
- Oglasna ploča AVP Sava